

AKASHVANI AIZAWL

REGIONAL NEWS BULLETIN

HEADLINES (MORNING)

1. Wawiin chawhma dar 10 leh chanve ah Assembly Budget session ni 14-na chu chhonzawm leh ani dawn a, Minister pahnih Pu Lalthansanga leh Pu Lalnghinglova Hmar te hna chanpuala demand sawihoa pass tum ani ang.
2. India Meteorological Department (IMD) chuan tunhnaiah boruak a inthlak chho mek an ti a, khaw lum chho zelah hmun thenkhatah ruah tlemazawng a sur thei niin an sawi.
3. External Affairs Minister Dr.S.Jaishankar chuan sawrkarin West Asia-a boruak inlumlet mek chu uluk takin a vil tih a sawi.
4. West Asia buaina avanga tangkhang India mi 1000 chuang chu ni thum chhungin Doha atangin Qatar Airways thlawhna hmanga rawn phurh haw an ni.

<><><>

ASSEMBLY

Wawiin chawhma dar 10 leh chanve ah Assembly Budget session ni 14-na chu chhonzawm leh ani dawn a, Minister pahnih Pu Lalthansanga leh Pu Lalnghinglova Hmar te hna chanpuala demand sawihoa pass tum ani ang.

Wawiina Assembly thutkhawmah hian thutkhawm atanga darkar khat chu zawhna leh chhanna atan hun hman ani dawn a, hemi zawh hian Report hrang hrang house dawhkanah pharh anih dawn a, hemi hnu hian Minister Pu Lalnghinglova Hmar department enkawl 4 - Excise & Narcotics, Sports & Youth Services, Labour, Employment, Skill Development & Entrepreneurship, Tourism tana sum ruahman cheng vbch 132, nuai 69 leh sing 9 bakah Minister Pu Lalthansanga Department enkawl 4 - Land Resources, Soil & Water Conservation, Fisheries, Environment, Forests & Climate Change leh Sericulture Department-a sum ruahman cheng vbch 224 nuai 9 sing 5 sang 5 te chu sawiho bakah pass tum ani dawn a ni.

(Desk)

<><><>

ZPM FIR

ZPM Party chuan nimin khan an secretary general Pu PB Lalsawmliana hmingin Cyber Crime Police Station Aizawl ah FIR an thehlut a; Facebook group pakhata Chief Minister bakah Minister pathum leh ZPM MLA pakhat te chungchang thu post chhuichian sak turin an ngen.

ZPM secretary general Pu PB Lalsawmliana chuan FIR an thehluk chhan chu tun thla ni 8, Pathianni chawhnu lam khan facebook profile hming atana 'Zorama Hmar' tih hmangtu chuan Chief Minister Pu Lalduhoma bakah Minister pathum - Pu Vanlalhlana, Pu B. Lalchhanzoa, Pu Lalnghinglova Hmar leh MLA Baryl Vanneihsang te chu dik lo taka tihmualpho tumin Facebook-a Zoram Politics leh News Group-ah 'ZPM MLA leh Minister bihchianna part-I' tih a post thu a sawi a; he a thil post hi ZPM party chuan tha lo a ti hle a, hetiang mahni nihna thup chung a dik lo taka ram hruaitute tihmingchhiat theihna tura post a siam hi man chhuak a, dan anga hremna pek a nih ngei theihna tura chhuichhuak turin Cyber Crime Police-te a ngen a ni.

ZPM hruaitute hian complaint an thehluk zawhah thuthar thehdarhtute an kawm nghal a, Mizoram social media-ah politics-a inbeihna leh mimal taka in tihna a awm fo thu an sawirualin, tuna mi anga tawngkam mawi lo hmang duhte hi chu zilh tlak hiala an ngaih thu an sawi a ni.

<><><>

SESSION-HOME MINISTER

Home Minister Pu K Sapdangan kum 2021 atanga nikum 2025 thleng khan Mizoram-ah police 672 an thi a, police-te thihchhan langsar zual chu cancer leh thin ro a ni a ti.

Nimina Assembly sessionah zawhna chhangin Pu K Sapdanga chuan, kum 5 chhungin Mizoram Police mi leh sa 672 an thi a, chungte chu kum 2021-ah mi 134, kum 2022-ah mi 145, kum 2023-ah mi 123, kum 2024-ah mi 146 leh kum 2025-ah mi 124 an thi a; heng police-te thichhan tam ber chu cancer leh thin ro a nih thu a sawi.

Pu K Sapdanga chuan police sa thi nasa lutuk tihziawm tumin theihtawp an chhuah thu a sawi a, ngun takin police officer leh hotuten an ngaihtuah reng a, kum 2024-25 khan fitness lamah tan an la vak a, hei hian a tiziaawm viaute pawhin an hriat thu leh natna hi medical lam thil a nih avangin medical lama mithiamte nen inrawn zelin theihtawp an chhuah thu a sawi baw.

<><><>

IMD

India Meteorological Department (IMD) chuan tunhnaiah boruak a inthlak chho mek an ti a, khaw lum chho zelah hmun thenkhatah ruah tlemazawng a sur thei niin an sawi.

Aizawl Meteorological Centre Director Pu Sudheer Kumar Dwivedi a'n Akashvani palai a hriih danin Mizoramah chhum a tam rih hle a ti a, hmar lamah ruah tlem sur thei ani tih sawiin khua chuan lum lam a pan zel dawn niin a sawi.

Byte of Sudheer Kumar Dwivedi

Director chuan tunhnaia ruahsur tura beisei chu ruah tam tham anilo tih sawiin chhiatna thlen lo tura ngaih ani a ti a, khaw lum chho zelah erawh mipuite in enkawl tha turin a chah a ni.

(Desk)

<><><>

GAD

General Administration Department (GAD) chuan thuchhuah siamin, tunkar Zirtawpnia Mizorama kût ropui ber Chapchar Kût lawmna tur pualin Mizoram sorkar hnuaiia thawk zawng zawngte leh Mizoram sorkar hnuaiia Public Sector Undertakings, Boards, Bodies leh Agencies hnuai thawkte chu nimin atanga tunkar Ningani thleng pisa kainaah Mizo thuam inbel vek turin a hriattir.

Hemi chungchang hian an department le office theuhah hma la turin Administrative Head leh Head of Department-te a hriattir bawk.

(PR)

<><><>

TUICHHUAHEN POISON

Kolasib-a mipui Tui tlan ber Tuichhuahen lui chu Tur a hrai a ni tih hriat a ni a, Kolasib PHE Department, Kolasib Sub-Hqrs YMA hruaitute leh Fisheries Deptt a thawktute chuan a hmunah kalin an enfiah nghal a. A enfiah tute hian Sangha thi an hmu nual a ni.

Hemi chungchang ah PHE Department chuan hma la nghal in, a sample atana an lak Tui chu District Laboratory ah enfiah nghal a ni a, an enfiahna ah hian Tui chu mihring ei/in atan a thianghlim tih an finfiah a, hetiang hi thil awmdan anih avangin nimin vek khan Tui hi pump chhonzawm in, sem chhuah leh nghal a ni.

Tuichhuahen lui Tui an hraina hmun tak hi hriat nilo mahse, tui lak na hmun thlang lam a nih rin a ni. Hetihlai hian Tuichhuahen lui Tur a hrai tute hi man an la nilo a ni.

(Andrew Kolasib PTC)

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

PIB VARTALAP

Sorkar laipui Ministry of Information & Broadcasting hnuaiia Press Information Bureau PIB chuan Lunglei Press Club-ah One Day Media Workshop, "VARTALAP" an hman a, VB G Ram G leh National AIDS & STD Control Programme" chungchang inzirtirna hun hman a ni.

Lunglei DC Pi Navneet Maan leh YMA Sub Hqr Vice President, Pu CMS. Dawngliana bakah Lunglei MJA Vice President Pu F.Lalngaihzuala ten an hmanpui a, DC chuan HIV/AIDS chungchang chu India ram pum sawi loh, Mizoram leh Lunglei tan a ngaihven ngai tak a ni tih sawiin heng thil zirho hi hriatchian a ngai a, tun hi inzirtir hun tak a ni a ti. Ram leh hnam in hmasawna tluantling kum 2047 a neih a tum lamtluang a zawh naah hian hriselna a pawimawh a, hriselna tello chuan engmah a nih theih lova, chuvangin Viskshit Bharat a thlen theih nan HIV/AIDS chungchang hriatna zau leh dik neih a pawimawh a ti a ni.

(Thangmingliana Lunglei PTC)

<><><>

EAM STATEMENT

External Affairs Minister Dr.S.Jaishankar chuan sawrkarin West Asia-a boruak inlumlet mek chu uluk takin a vil tih a sawi. Nimina Rajya Sabha-a statement a siamah he thu hi sawiin Pu Jaishankar-a chuan minitry hrang hrangte a tul anga hmala turin an inruahman a ti a. Inepna boruak a len chhoh zel avangin sawrkar chuan a khua leh tuite himna tur chu a ngai pawimawh hmasa ber a ti a. Hetihlai hian sawrkar chuan inbiakna leh indawrna tha tak hmanga buaina chinfele chu sawrkar duhdan ber anih thu a sawi a ni.

(Newsonair)

<><><>

STRANDED INDIAN

West Asia buaina avanga tangkhang India mi 1000 chuang chu ni thum chungin Doha atangin Qatar Airways thlawhna hmanga rawn phurh haw an ni. Qatar-a Indian embassy sawidanin nimin khan Doha- New Delhi service Qatar Airways thlawhna hmangin mi 300 phurh thlen leh an ni a. Embassy lam hotute chuan thlawhna thlawk dang pathum Delhi, Mumbai leh Kochi a thlawk tur Qatar Airways lamin an ruahman dawn bawk niin an tarlang a. Heng thlawhna te hi lo ngaihven turin India mi la tangkhang zawnzawngte a ngen bawk a ni.

(Newsonair)

<><><>